



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

S. D. N. D. Gregorij Papa XIII. Constitutio de praedicatione facienda Judaeis
semel in Hebdomada.

urn:nbn:de:hbz:466:1-13589

delinquendi, flagra, remigia, etiam perpetua, rerum quoque publicationes, exilia, aliaque atrociora de cernant, & aliis de eis exempla edant, quæ sceleratos illos deterreat ab huiusmodi flagitijs in posterum admittendis. Nos enim venerabilibus fratribus nostris S. R. E. Cardinalibus Inquisitoribus generalibus, necnon Patriarchis, Archiepiscopis, Episcopis, & alijs locorum Prælati, ac etiam alijs prædictis Inquisitoribus in virtute sanctæ obedientiæ districtè præcipimus, & mandamus, ut præsentibus nostras litteras in Ciuitatibus, & locis cuique subiectis publicare, & iuxta illarum tenorem procedere, ipsasque debitæ executioni mandate procurent. Decernentes irritum, & inane quicquid secus per quoscunque scienter, vel ignoranter contigerit attentari. Non obstantibus constitutionibus, & ordinationibus Apostolicis, necnon exemptionibus, priuilegijs, immunitatibus, com meatibus, in fidem publicam receptionibus, & tolerantijs prædictis, Iudejs, & alijs infidelibus Maranis, & Apostatis, tam in Dominijs, Terris, & locis nostris, & sedi Apostolicæ mediate, vel immediate subiectis, quam alibi ubicunque Regnorum, Prouinciarum, & Dominiorum, gentium, & locorum commorantibus, uel in ea ex quibusuis Regnis, & partibus tam fidelium, quam infidelium confluentibus, eorumque Iudicijs, aduocatis, & defensoribus quacunque auctoritate, potestate, & dignitate fungantur, etiam ad instantiam Imperatoris, Regum, Ducum, & quorumuis aliorum Principum tam per fel. rec. Paulum III. Decimo Kal. Martij, & Iulium etiam III. Non. Decembris, Tertio anno sui cuiusque Pontificatus, quam etiam quoscunque alios antea, & posteriores Romanos Pontifices, ac nos, & sedem Apostolicam, eiusque legatos, ac etiam Cameram Apostolicam sub quibuscunque tenoribus & formis, ac cum quibusuis clausulis, & decretis, etiam Motu proprio, & alijs quomodocunque hæcenus concessis, confirmatis, & innouatis, atque in posterum concedendis, confirmandis, & innouandis; quæ omnia etiam si de illis, illorumque totis tenoribus specialis, specifica, expressa, & indiuidua mentio, aut aliqua alia forma ad hoc seruanda foret, tenores huiusmodi, ac si ad verbum infererentur præsentibus pro plene expressis habentes harum serie specialiter, & expresse reuocamus, abrogamus, & omnino abolemus, ceterisque contrarijs quibuscunque. Volumus autem præsentibus in locis ubi conferretis de more publicari, & earum exemplis etiam impressis manu Notarij publici, & sigillo Sanctæ Romanæ, & vniuersalis Inquisitionis, vel personæ in dignitate Ecclesiastica constitutæ munitis, eandem prorsus fidem ubique tam in iudicio, quam extra illud adhiberi, quæ adhibetur eidem præsentibus si esse exhibita uel ostensa. Nulli ergo omnino hominum liceat hanc paginam nostrorum statuti, declarationis, delegationis, præcepti, mandati, decreti, reuocationis, abrogationis, abolitionis, & voluntatis infringere, uel ei ausu temerario contraire. Si quis autem hoc attentate præsumpserit, indignationem omnipotentis Dei, ac beatorum Petri & Pauli Apostolorum eius, se nouerit incursurum. Dar. Romæ apud Sanctum Petrum Anno Incarnationis Dominicæ Millesimo quingentesimo octuagesimo primo, Kal. Iunij, Pontificatus nostri anno decimo.

M. Datarius.

Cæs. Glorietius.

A. de Alexijs.

Anno a Natiuitate Domini M. D. LXXXI. Indictione nona, die vero decima mensis Iunij, Pontificatus sanctissimi in Christo patris & D. N. D. Gregorij diuina prouidentia Papæ xij. An. decimo, Retroscriptæ litteræ Apostolicæ, affixæ & publicatæ fuerunt ad Valuas Ecclesiæ S. Ioan. Latheranensis, Basilicæ principis Apostolorum de Vrbe Cancellariæ Apost. et in Acie Campi Floræ, ac etiam ad Valuas septi Hebraeorum, per nos Petrum Aloysium Gayam, et Nicolaum Taglietum, Apostolicos Cursores.

Antonius Ludouicus Magister Curs.

S. D. N. D. Gregorij Papæ XIII. Constitutio de prædicatione faciendâ
Judeis semel in Hebdomada.

Edita Romæ
anno 1584.Fuit publicata
& impressa Ro
mæ anno 1584.

REGORIVS Episcopus seruus seruorum Dei, ad perpetuam rei memoriâ. Sancta Mater Ecclesia, cuius Christus caput est, ingenitam suam charitatem ad omnes late diffundens, antiquæ Israeliticæ gentis, populique Dei peculiare reliquias nunquam desinit affectu miserari; grauiterg; contristatur Iudæorum quondam nationem præcipuis auctam muneribus, & gratijs (cuius erat adoptio filiorum, gloria, testamentum, legislatio, obsequium & promissa, unde etiam Christus Saluator noster secundum carnem nasci dignatus est) per diuersas orbis partes tot iam sæcula dispersam; ac contagiosi gregis more per inuia, & inaquosa misere uagantem, uerbi Dei fame, & aquæ refectionis siti perire, longeque non a terrena tantum, super quam Dominus fleuit, sed quod grauius est, a cælesti quoque Hierusalem, nisi Christum, quem negauit confiteatur, exturbari: Quæ miseratione; & mærore nos quoque non leuiter commoti, in dies semper aliquid excogitamus, unde eorum conuersioni & saluti opportunus prouideatur, ipsisque ad intelligentiâ uiam, quam sibi præcluserunt, ualeant

A valeant Deo proprio peruenire. Quare sollicito hæc animo meditantur, ac felicitis recordationis Nicolai Pape V. nonnullorumque Romanorum Pontificum prædecessorum nostrorum vestigijs in hærentes, præfenti constitutione generali, Præcipimus omnibus Patriarchis, Archiepiscopis, Episcopis, & alijs ecclesiarum Prælatibus, etiam Cardinalatus honore præditis, ut in suis quisque ciuitatibus, terris, & locis, in quibus competens aliquis numerus Iudæorum, qui synagogam constituat, commorantur, curent Sabbati, vel alio cuiuscunq; hebdomadis statuto die, ad Iudæos ipsos in locum præstitutum, non tamen sacrum, nec ubi sacra confici solent, conuocatos, per aliquem Magistrum in Theologia, aliumve idoneum uirum ab eis eligendum, cum mercede congrua illi ex ipsorum Hebræorum collatione, aut alijs prout commodius eis videbitur. Hebraicę, si fieri poterit, linguę peritum, sermones, uel lectiones haberi, in quibus illis exponantur scripturę veteris Testamēti, Moyses scilicet, & Prophetarum, præsertim uero quę eo sabbato leguntur, seu lectę in eorum sint synagogis, iuxta sanctorum tamen Patrum interpretationes, & uerum catholicę Ecclesię sensum: ac in eis disseratur de ueritate Christianę fidei: de certo aduentu, & Incarnatione Filii Dei; illiusque Natiuitate, uita, miraculis, passionē, morte, sepultura, descēsu ad inferiores, resurrectione, in cælum ascensione, de eius Euangelio in toto terrarum orbe per Apostolos eius, & alios Sanctos prædicato, innumeris atque clarissimis uirtutibus, & illustrium miraculorum gloria confirmato: ac de eius spiritali & uero regno, & de impio idolorum cultu sublato, & gentium uocatione, de perpetua tum Hierusalem, & terrę eorundem Iudęorum desolatione, tum ipsorum ubique terrarum dispersione, captiuitate, & de alijs similis argumenti dogmatibus, & articulis ex lege, & Prophetis: de diutina præterea, & irrita Iudęorum aduentus Messię, & carnalis illius Regni expectatione, de uana eorum, quę sæpe, quinimo quotidie eos frustrata est, spe reditus in terram promissionis, & restorationis tertii templi; & demum de multiplicibus, & varijs erroribus, & hæresibus eorum, in quas miserime se demerserunt, postquam Christum Dominum in carne uenientem, agnoscere noluerunt: & de falsa per eorum Rabbinos tradita sacrarum Scripturarum interpretatione; quantum litterarum, & sensum, fabulis mendacijs, & uarijs dolis & modis detorquentes corruerunt, & deprauarunt; & hæcenus corrumpere, & deprauare non desinunt: deque omnibus alijs, quæ eos possint ad agnitionem fidei, ad errorum suorum correctionem, ad orthodoxamq; fidem conuertere, pro loci, temporis, sumptiq; argumenti ratione prudenter agāt, ueris, & ex sacra Scriptura depromptis demonstrationibus, nulla cum obreclatione, aut itacundia, sed magna cum charitate, & modestia, ueritatis lumen illis aperire conentur. Ad quos sermones, & lectiones uolumus uniuersos, & singulos utriusque sexus Iudæos a duodecim annis supra, infirmitate, aut alia legitima causa, de qua ordinarios docere debeant, non impeditos, in Ciuitate & locis, ut præfertur: habitantes, uel aliunde aduenientes, etiam si inibi domicilium non habeant, ita per circuitum conuenire, ut tertia saltem eorum pars, nec unquam minor semper adsit. Quod si facere neglexerint, interdicti cum fidelibus commercii, & alijs pœnis arbitrio ordinarii pro contumacię modo, imponendis, donec satisfecerint competenter, ad ipsos sermones audiendos compellantur. Si quis uero de numero fidelium ita fuerit salutis aut sui, aut proximi sui, de quo unicuique mandatum est, immemor, qui eos a salutaribus huiusmodi sermonibus, seu lectionibus directę, uel indirectę abduxerit, aut impediuerit, seu contenderit quoquomodo, excommunicationis sententia sit eo ipso ligatus, & contra eum ad alias pœnas ordinarii arbitrio omnino procedatur. Ceterum Imperatorem, Regesque, & Principes omnes, necnon Respublicas, Magistratus, & dominos temporales sæculares rogamus, & obtestamur in Domino, ut Patriarchis, Archiepiscopis, Episcopis, & alijs ordinarijs prædictis eorumque vicarijs, & ministris suum in præmissis auxilium præstent, amplissimum ab omnipotenti Deo præmium in supremis glorię æternę tabernaculis habituri. Et quoniam difficile nimis esset presentes ad omnia loca, quibus illis opus erit, perferri: Volumus, ut earum exemplis etiam impressis, manu publici Notarii subscriptis, & sigillo Prælati, aut per longę in dignitate Ecclesiastica constituta munitis, eadem omnino fides ubique adhibeatur, quę adhiberetur eisdem presentibus, si essent exhibitę uel ostense.

De eadem materia extat simili Nicolai Pape constitutio incip. Vineam Soreth impressa sup. pag. 57.

Datum Romę apud Sanctum Marcum, anno Incarnationis Dominicę, Millesimo quingentesimo octuagesimo quarto, Kal. Septembris, Pontificatus nostri anno tertio decimo.

Cęl. Glorietius.

E M. Card. S. Stephani.

A. de Alexijs.

Anno a Natiuitate Domini Millesimo quingentesimo octuagesimo quarto, Indictione duodecima, die uero decima quarta mensis Septembris, Pontificatus Sanctiss. in Christo patris et D. N. D. Gregorij, diuina providentia Pape XIII. Anno decimo tertio, retroscriptę litterę Apostolicę, affixę, & publicatę fuerunt in Valuis Ecclesiarum S. Ioannis Lateranensis, & Principis Apostolorum de Vrbe, necnon Cancellarię Apostolicę, & Acie Campi Florę, & ibi per aliquod spatium temporis dimissę per nos Caesarem Brunetum, & Nicolaum Tagliettum, eiusdem S. D. N. Pape Cursores.

Io. Frelle Mag. Cur.

Registrata apud Casarem Secretarium.

SIXTVS